

MIAOPOGEG gtagangog-17 tes. piel.-na totjio etli npeg oelmetôg mal-tjeoetj epittjitj 15 tetotjeg, oeli gagi msengeg tan teloiterneg oli nimam-geoei, gemnieoimng ag gespi mimalting ag lôg oeli oantagi npegag.

GASGOSIGETJITJG.-Set. tepg-3 tes.-oetjategemgeg tealoteoeiag tepgenosetag 28 tesogniteg tlisip oetjiap amlamgoga ag lôg moioatem tan teli gelolg nemitoa alasotmamga 12 tesisitjig pathiasg eigig negla nagoega, tôgo tlisip oapôltitgig 500 ag migmag 300, mset tami oetjitatgig. Gôspem sag-mao eigep ag oigmatjel, ag goesaoeg sagmao elg eigep, lisipogtog me oetjita-tjig, pansag elg me oetjitatjig, ag elg tjel sagmao oetjiep lipel ipet ag ola eimeng paseg nin.

Tôgo totjio tesitjig nepgig migmag oesaoeg senpiel Pal tjonôg 12, Alig Pal otepitemel. Tjeg Tanas nepg lisipog-tog tleiang. Ag Mali Milie nepg Patlis Saimen otepitemel pigop tleg tjon 28 tes. Ag Simon Saimen onitjan tapoi. ponatag nepgag tjolai 1 tes. Nin Giti Oait notji ginamoetisgo gasgos'getjitjg.

METEPENAGIAG.-Setan. tepg. 3 tes.-Mesgig tan teli maoi alasotmai-egep ogomoltjin tesogonag, taopositjig pathiasg notji ginamoetjig esgitpog ag oelago. Laplosentjitj geli litasig, ag sagmao San Tanas nengalatji tesilitji aglasio gemotjeogatilitti nooi magami-goeigtog. Tlisip matjasis eli nemitoa, senel otosel lisipogtog malieoilittje-San Agostinal. Piel Oenotj megeteg solieoei pemi nippel sagmaoigtog.

RIVERSIDE-Tjon 24 tes.-Mig-mag lnog tesitjig eigig ola tet, Noel Glemao ag otepitemel ag otolosogel, Tjô Silipai teloisit tjinema ag oigmatje ag tjinemtjitj teloisit Pal Tames elt na etlogoet pogtolgola tanel lôtoltigela. Ag Tjô Pilip pôgemgeg tlei tjinemtjitj na negem môgoe tallogeog; mo tottji maleiog teli tjelatôg malteoeg notji los-gatgeg 17 tesogoniteg tjonôga, tôgo gis sag oagtjeg piamio neogtetjit tep-

genoset; gato Tjô Pilip gis sag et lo-goet lipel saita. Meta na tjinemtjitj elogoep gelapis nesisgel pogtolgol, na sisteoei pôgtlogoetj na opagang sasgo-plaol elemtesinitjel, na paseg tan teli gamilamitj na malteo gotasig. Also-sit ag pogtolgie met na tjitonattitjel, na natgmalot, gato lôg nige oelasit, meta gitg na oigmatjel eimititjel lipel saitga. Ola nipg pigoelg tet elogôoa-gan otjit ten oen nataoangegetel sas-gôplala, oelaotit \$2 ag \$2.50 ag oen oetjotj mitjptjeoeia J. N. A. P.

GONTEOIGTOG.-Onamagig set a-neoimgeoei tepg. 20 teg. 1910. Nanit-gig mitjoatjitjig nepgig oetjategemg metlasogonaga, oisgesoagn nepagoititj teloisig lalsôl, Tjô Nigles nepg 10 teg ola tepg, asogôm tesiponatag, Saln Ma-sel nepg 12 teg tapciponat tjel 3 tepg, Egian Masel nepg 16 teg neoponat tjel 4 tepg, Piel Glesmes nepg 19 teg ta-poiponat tjel 7 tepg, Mali Lôs Gôp nepg 19 teg negotiponat tjel 5 tepg. Sgemtog mimatjainog gisatottitj salite otjit ola mitjoatjitjig nepgiga telao-tig \$18.79, tôgo tlisip tanig oenitjanol-titjig elg temititj ola solieotjitj esgisôg-nigecei alasotmôgoôm. Saln Masel telaotig mesgnatôg \$3.47, Egian Ma-sel \$8.00 esgisognig alasotmôgoôm ag pôtloteg, Piel Glesmes \$5.02, Mali Lôs Gôp \$2.30.

Sgemtog ola eoigasig teta ginoata-gntjitj, etog na, nôgmatot, igsiolies gino elnoltiga oen aptj tli petgeg tan pesegatimg gsinogôoagn ginoatôg, tli gtjittitôg, istagetj nigetj tan teli gtji-tjittitôgsep tan temg pegisitôg ola oisge-soagn ola otana; nanisgegsitjig tjel tapo mao tanig lalsôleoltitjiga. Sge-mtog nôgmatot, eigeig tanig gesi gsi-nogotitjiga teli gisi pgisotasig ola ois-gesoagn ola otang, negotetjit epit oetji pgôtamgasit eliet pôtloteg natji mito-goel negotoaloet, môgoetj oigmatjel oitj. etitigol paseg onitjanoal elalatjel, na teloemg oetgeg pôgtamôtagnolgotog pogteolg asogômasig oetjategemg teoi-